



# CUNCURSU DE CARRASEGARE

SA DE TRES EDITZIONES



Su Carrasegare chi disìgias: paràulas, sentidos, freguras e sapidorias de sos carrasegares chi connosches. In sos logos tuos e in su mundu.

*Fintzas si in domo depimus abarrare, su Carrasegare non podimus non festare, e si lu festamus in cumpagnia, finas sena bìdere ànima bia, prus manna at a èssere s'allegria.*



Su cuncursu est cumpostu dae bator setziones:

- **CARRASEGARES DE SU MUNDU** pro sos pitzinnos de sas iscolas de infàntzia e primària;
- **PARÀULAS DE CARRASEGARE** pro sos pitzinnos de sas iscolas mèdias e superiores;
- **A PASSU DE CARRASEGARE** pro sa comunidade intrea;
- **CARRASEGARE IN POESIA** pro sos amantiosos de poesia.



# CUNCURSU DE CARRASEGARE

SA DE TRES EDITZIONES

Su Carrasegare chi disigias: paràulas, sentidos, freguras e sapidorias de sos carrasegares chi connosches. In sos logos tuos e in su mundu (Cuncursu de Carrasegare), sa de tres editziones, abertu a totu sas comunidades de sos Isportellos Linguisticos Subracumunales de Tatari e de sa Comunidade Montana de su nugoresu, Gennargentu e Subramontes.

*Fintzas si in domo depimus abarrare, su Carrasegare non podimus non festare, e si lu festamus in cumpagnia, finas sena bìdere ànima bia, prus manna at a èssere s'allegria.*

Damus sa possibilidade de festare su Carrasegare sighende una modalidade noa, cussa online. Custu Cuncursu est a sa de tres editziones e, ocannu, sa novidade est dada dae sa cullaboratzione de duos Isportellos Linguisticos Subracomunales: cussu de Tatari e cussu de sa Comunidade Montana de su Nugoresu, Gennargentu e Subramontes. Unu cunfrontu est s'idea tra su pensu e su sentidu de su Cabu de Susu cun sas Biddas de sa Barbàgia. Nos istes penende bi meda, leghe sos temas de su Cuncursu e iscrie-ti nche... **Bi semus! / Ajò vi semmus!**

Su cuncursu est cumpostu dae bator setziones:

- Sa de una setzione, pro sos pitzinnos de sas iscolas de infàntzia e primària, intituladu **CARRASEGARES DE SU MUNDU**, in ue benit dimandadu a sos partetzipantes de pònnera a cunfrontu, imprende mazines, disegnos o fraighende cun ogni genia de materiale, sas mascheras prus famadas non solu de sa Sardigna ma finas de àteros logos. S'obietivu est cussu de imparare a connòschere usàntzias e traditziones de s'isula nostra e de sos àteros logos in ue su carrasegare est consideradu una festa de importu mannu;
- Sa de duas setziones est pro sos pitzinnos de sas iscolas mèdias e superiores, intituladu **PARÀULAS DE CARRASEGARE**: sos partetzipantes ant a dèpere iscriere unu contu o una poesia chi faeddant de sas genias diferentes de carrasegare presentes in Sardigna e in àteros logos. S'obietivu est cussu de imparare a connòschere sos assimigios intro sas culturas regionales, natzionales e internatzionales;
- Sa de tres setziones pro sa comunidade intrea, intitulada **A PASSU DE CARRASEGARE**: sos partetzipantes ant a dèpere fraigare sa caratza, sa màschera, su bestire chi preferint imprende materiale comente linna, pedras (granitu, basaltu, trachite), argilla, gesso, tela, belludu e àteros.
- Sa de bator setziones pro sos amantiosos de poesia, **CARRASEGARE IN POESIA**: sos partetzipantes ant a presentare un cumponentu, in rima o sena rima, in ue ant a espressare su pensu e su sentidu issoro pro custa festa identitària e de richesa antropològica e culturale.

